



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԱՇԽԱՏԱԿԱԶՄ

«ԳՆՈՒՄՆԵՐԻ ԱԶԱԿՑՄԱՆ ԿԵՆՏՐՈՆ»
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ

«7» հոկտեմբերի 2016թ.

Հաստատում եմ՝

«Գնումների աջակցման կենտրոն» ՊՈԱԿ-ի պետ

 Մ. Անանյան

ԳԲԽ-102/16 բողոքը քննող

հանձնաժողովին

Ե Զ Ր Ա Կ Ա Ց ՈՒ Թ Յ ՈՒ Ն

Ղեկավարվելով «Գնումների մասին» ՀՀ օրենքի 16-րդ հոդվածի 1-ին մասի 8-րդ կետով, ՀՀ կառավարության 31.10.2002թ. N 1904-Ն որոշմամբ հաստատված «Գնումների աջակցման կենտրոն» ՊՈԱԿ-ի կանոնադրության 12-րդ կետի 8-րդ ենթակետով, ինչպես նաև ուսումնասիրելով «Ռեզնում» ՍՊԸ-ի 22.09.2016թ. «Գնումների աջակցման կենտրոն» ՊՈԱԿ-ին ներկայացրած բողոքը՝ պարզել ենք հետևյալը.

1. «Ռեզնում» ՍՊԸ-ի ներկայացրած փաստերը, հիմնավորումները և պահանջը

«Ռեզնում» ՍՊԸ-ն (այսուհետ նաև՝ Ընկերություն) 22.09.2016թ. ներկայացրած բողոքով հայտնել է, որ ՀՀ պաշտպանության նախարարության «ԳԱԿ-ՇՀԾՁԲ-15/3-ՀՀ ՊՆ ՆՏԱԴ-ՇՀԾՁԲ-4/5» ծածկագրով շրջանակային համաձայնագրերի միջոցով գնում կատարելու ընթացակարգի հանձնաժողովը 25.08.2016թ. թիվ 1 որոշմամբ հաստատել և հրապարակել է նշված ծածկագրով գնում կատարելու ընթացակարգի հրավերը:

Ընկերությունը հայտերը, մասնավորապես՝ գնային առաջարկը, ներկայացրել է «Գնումների մասին» ՀՀ օրենքի 31-րդ հոդվածի 1-ին մասի համաձայն:

Հանձնաժողովը 05.09.2016թ. թիվ 2 արձանագրությամբ հաստատել է, որ www.armeps.am համակարգով ներկայացված հայտը /հայտերը/ համարվել են սահմանված կարգով ներկայացված և հետագա գիտատման համար ընդունելի:

Հանձնաժողովը 08.09.2016թ. թիվ 3 արձանագրության 2.2 կետով ամրագրել է, որ մասնակիցների էլեկտրոնային հայտերում առկա են հրավերով պահանջվող փաստաթղթերը, իսկ 2.3 կետով որոշել է «Ռեզնում» և «Թրաք Սերվիս» ՍՊԸ-ների հայտերը չքննարկել և վերջիններիս հայտերը մերժել՝ էլեկտրոնային ստորագրությունների բացակայության պատճառաբանությամբ՝ առանց հղում անելու մերժման հիմքերին:

Բողոքի համար հիմք է հանդիսացել այն, որ ՀՀ կառավարության 10.02.2011թ. թիվ 168-Ն որոշմամբ հաստատված «Գնումների գործընթացի կազմակերպման» կարգի 111-րդ կետին համապատասխան «Ռեզնում» ՍՊԸ-ն 13.09.2016թ. ժամը 9:44-ին ԳԱԿ թեժ գծի 010-28-93-27 հեռախոսահամարին ահազանգել է կատարված խախտման մասին և հայտնել է, որ խախտվել են՝ «Գնումների մասին» ՀՀ օրենքի 31-րդ հոդվածի 1-ին մասը, ՀՀ կառավարության N 168-Ն որոշման 45,46-րդ կետերը, Հանձնաժողովի կողմից 25.08.2016թ. հրապարակած հրավերի 7.3 կետը:

Միաժամանակ Ընկերությունը խնդրել է անվավեր ճանաչել հանձնաժողովի 05.09.2016թ. սկսված և 08.09.2016թ. ավարտված հանձնաժողովի թիվ 3 արձանագրությամբ հաստատված որոշումը, որը հրապարակվել է 09.09.2016թ.-ին:

Կազմվել է համապատասխան արձանագրություն, հաջորդ օրը ստացել են արձանագրության և «ԳԱԿ-ՇՀԾՁԲ-15/3-ՀՀ ՊՆ ՆՏԱԴ-ՇՀԾՁԲ-4/5» ծածկագրով շրջանակային համաձայնագրերի միջոցով գնում կատարելու ընթացակարգի Պատվիրատուի /գնումների համակարգողի ստորագրությամբ/ պաշտոնական պատասխանը, որից ակնհայտ երևում է, որ Պատվիրատուն չի ընդունում նշված խախտումները:

Չնայած բարձրացված ահազանգի՝ /քննարկումը նշանակվել էր 19.09.2016թ. ժամը 15:00-ին/, հանձնաժողովը իր 14.09.2016թ. նիստով որոշել է սկսել պայմանագրի կնքման գործընթացը, որի մասին հայտարարություն է տեղադրվել կայքում:

«Գնումների մասին» ՀՀ օրենքի 31-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով

նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Ընկերությունը հանձնաժողովի կողմից 25.08.2016թ. հրապարակված հրավերին համապատասխան ներկայացրել է գնային առաջարկը:

Հրավերի 4.1.1 կետի համաձայն՝ «Մասնակիցը գնային առաջարկը ներկայացնում է ինքնարժեք, շահույթ և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Ինքնարժեքի բաղադրիչների հաշվարկ՝ բացվածք կամ այլ մանրամասներ չեն պահանջվում և ներկայացվում: Եթե Մասնակիցը տվյալ գործարքի գծով Հայաստանի Հանրապետության պետական բյուջե պետք է վճարի ավելացված արժեքի հարկ, ապա Մասնակցի կողմից հաստատված բնօրինակ փաստաթղթից արտատպված (սկանավորված) տարբերակով ներբեռնված փաստաթղթով ներկայացրած գնային առաջարկում առանձնացված տողով նախատեսվում է այդ հարկատեսակի գծով վճարվելիք գումարի չափը: Ընդ որում Մասնակիցների գնային առաջարկների գնահատումը և համեմատումն իրականացվում է առանց սույն կետում նշված հարկի գումարի հաշվարկման:»:

Սակայն իրենց կողմից ներկայացված տեղեկությունները՝ այդ թվում գնային առաջարկը Հանձնաժողովի կողմից չի քննարկվել և մերժվել է էլեկտրոնային ստորագրության բացակայության պատճառաբանությամբ:

ՀՀ Կառավարության թիվ 168-Ն որոշման մեջ փոփոխություններ կատարելու մասին 07.07.2016թ. թիվ 700-Ն որոշման 1-ին կետի 2-րդ ենթակետի համաձայն՝ «35-րդ կետի 9-րդ ենթակետի վերջին նախադասությունը շարադրել հետևյալ խմբագրությամբ.

Ընդ որում, տեղեկությունների (փաստաթղթերի) էլեկտրոնային եղանակով փոխանակման դեպքում դրանք ուղարկողը տեղեկությունները (փաստաթղթերը) հաստատում է էլեկտրոնային թվային ստորագրությամբ, որի հավաստագիրը զետեղված է «Նույնականացման քարտերի մասին» Հայաստանի Հանրապետության օրենքով սահմանված կարգով տրամադրված նույնականացման քարտում, կամ տեղեկությունները (փաստաթղթերը) ուղարկում է հաստատված բնօրինակ փաստաթղթից արտատպված (սկանավորված) տարբերակով՝ բացառությամբ էլեկտրոնային գնումների համակարգի միջոցով հայտ ներկայացնելու դեպքերի, որոնց ժամանակ Հայաստանի Հանրապետության ռեզիդենտ հանդիսացող մասնակիցներն էլեկտրոնային գնումների

համակարգի միջոցով հայտ ներկայացնելիս փաստաթղթերը հաստատում են էլեկտրոնային թվային ստորագրությամբ, իսկ Հայաստանի Հանրապետության ռեզիդենտ չհանդիսացող մասնակիցներն էլեկտրոնային գնումների համակարգի միջոցով հայտով փաստաթղթերը ներկայացնում են հաստատված բնօրինակ փաստաթղթից արտատպված (սկանավորված) տարբերակով:»:

Նույն որոշման հիման վրա ՀՀ ֆինանսների նախարարի 2016թ. հուլիսի 20-ի թիվ 605Ա հրամանով հաստատված շրջանակային համաձայնագրերի միջոցով գնում կատարելու ընթացակարգի հրավերի Օրինակելի ձևի Հավելված 5.1.6-ի համաձայն՝ «...Եթե Մասնակիցը տվյալ գործարքի գծով Հայաստանի Հանրապետության պետական բյուջե պետք է վճարի ավելացված արժեքի հարկ, ապա Մասնակցի սույն հրավերի առաջին մասի 7.9-րդ կետով սահմանված կարգով ներկայացվող գնային առաջարկում առանձնացված տողով նախատեսվում է այդ հարկատեսակի գծով վճարվելիք գումարի չափը:

ՀՀ կառավարության N 168-Ն որոշման 45-րդ կետի համաձայն՝

«Եթե հայտերի բացման նիստի ընթացքում իրականացված գնահատման արդյունքում հայտերում արձանագրվում են անհամապատասխանություններ՝ հրավերի պահանջների նկատմամբ, բացառությամբ այն դեպքերի, երբ հայտում բացակայում է գնային առաջարկը կամ հայտի ապահովումը կամ գնային առաջարկը կամ հայտի ապահովումը ներկայացված է հրավերի պահանջներին անհամապատասխան, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

ՀՀ կառավարության N 168-Ն որոշման 46-րդ կետի համաձայն՝

«Եթե սույն կարգի 45-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա վերջինիս հայտը գնահատվում է բավարար: Հակառակ դեպքում հայտը գնահատվում է անբավարար և մերժվում է:»:

Վերը նշվածի վերաբերյալ Ընկերությունը 07.09.2016թ. իր թիվ Դ-005 և թիվ Դ-006 գրություններով դիմել է ՀՀ ֆինանսների և ՀՀ արդարադատության նախարարներին՝ պաշտոնական պարզաբանում ստանալու նպատակով:

Ստացվել են պատասխանները՝ ՀՀ ֆինանսների նախարարությունից՝ 14.09.2016թ. թիվ 1/73-1/21908-16 գրությամբ, որը կից նամակով նույն օրը՝ 14.09.2016թ. թիվ Դ-005 գրության հետ միասին սկանավորված տարբերակով՝ վավերացված էլեկտրոնային թվային ստորագրությամբ ուղարկվել է Պատվիրատուի a.baghramyam@mil.am էլ.փոստի հասցեյով և ՀՀ արդարադատության նախարարությունից 16.09.2016թ. թիվ 19.1/11633-16 գրությամբ, որը ներկայացվել է 19.09.2016թ. ԳԱԿ-ի թեժ գծի քննարկման ժամանակ:

Բողոքարկման խորհուրդ ներկայացված բողոքի վերաբերյալ բողոքարկման խորհրդի որոշումը կարող է էական նշանակություն ունենալ Ընկերության հետագա գործունեության վրա, ինչպես նաև ՀՀ գնումների մասին օրենսդրության միատեսակ կիրառության համար, մասնավորապես, ՀՀ գնումների մասին օրենքի 3-րդ հոդվածի 2-րդ մասով ամրագրված սկզբունքների կիրառման համար:

Ելնելով վերոգրյալից՝ Ընկերությունը խնդրել է՝

1. Կասեցնել «ԳԱԿ-ՇՀԾԶԲ-15/3-ՀՀ ՊՆ ՆՏԱԴ-ՇՀԾԶԲ-4/5» ծածկագրով շրջանակային համաձայնագրերի միջոցով գնում կատարելու ընթացակարգի գնահատող հանձնաժողովի 05.09.2016թ. սկսված և 08.09.2016թ. ավարտված նիստի թիվ 3 արձանագրությամբ կայացված՝ «Ռեգնում» ՍՊԸ-ի և «Թրաք Սերվիս» ՍՊԸ-ի հայտերը չքննարկելու և վերջիններիս հայտերը մերժելու մասին որոշումը:

2. Դադարեցնել գնահատող հանձնաժողովի կողմից 14.09.2016թ. կայացված՝ «Գնումների մասին» ՀՀ օրենքի 9-րդ հոդվածի համաձայն պայմանագիր կնքելու մասին որոշումը:

«Գնումների աջակցման կենտրոն» ՊՈԱԿ-ում 27.09.2016թ. ժամը 16:00-ին ԳԲԽ-102/16 բողոքի շրջանակներում տեղի ունեցած քննարկման ժամանակ «Ռեգնում» ՍՊԸ-ի ներկայացուցիչները պնդել են բողոքով ներկայացրած դիրքորոշումը և հայտնել են, որ ընկերությունը հայտերը, մասնավորապես գնային առաջարկը ներկայացրել է «Գնումների մասին» ՀՀ օրենքի 31-րդ հոդվածի 1-ին մասի համաձայն՝ հրավերով սահմանված կարգով, որի 4.1.1 հստակ նշում է, որ գնային առաջարկը պետք է ներկայացվի ստորագրված և սկանավորված ձևով, իսկ մնացած փաստաթղթերը ենթակա են շտկման:

2. ՀՀ պաշտպանության նախարարության կողմից բողոքի վերաբերյալ ներկայացված փաստերը, հիմնավորումները և դիրքորոշումը

ՀՀ պաշտպանության նախարարությունը (այսուհետ նաև՝ Պատվիրատու) 05.10.2016թ. գրությամբ Կենտրոնին հայտնել է, որ «ԳԱԿ-ՇՀԾՁԲ-15/3 ՀՀ ՊՆ ՆՏԱԴ-ՇՀԾՁԲ-4/5» ծածկագրով շրջանակային համաձայնագրերի միջոցով գնում կատարելու ընթացակարգի հայտերի բացման և գնահատման արդյունքում պարզ է դարձել, որ «Ռեզնում» ՍՊԸ-ի հայտով ներկայացված բոլոր փաստաթղթերում՝ այդ թվում նաև գնային առաջարկում, բացակայում են մասնակցի էլեկտրոնային թվային ստորագրությունները: Գնահատող հանձնաժողովը, հիմք ընդունելով «ԳԱԿ-ՇՀԾՁԲ-15/3 ՀՀ ՊՆ ՆՏԱԴ-ՇՀԾՁԲ-4/5» ծածկագրով շրջանակային համաձայնագրերի միջոցով գնում կատարելու ընթացակարգի հրավերի 1-ին մասի 7-րդ կետի 7.9 ենթկետը, 2-րդ մասի 2-րդ կետի 2.1 ենթակետը և ՀՀ կառավարության 2011 թվականի փետրվարի 10-ի N 168-Ն որոշման 35-րդ կետի 9-րդ ենթակետը (փոփոխություն 7 հուլիսի 2016 թվականի N 700-Ն), որոշել է չքնարկել և մերժել վերջինիս հայտը:

Գնումների աջակցման կենտրոն» ՊՈԱԿ-ում 27.09.2016թ. ժամը 16:00-ին ԳԲԽ-102/16 բողոքի շրջանակներում տեղի ունեցած քննարկման ժամանակ ՀՀ պաշտպանության նախարարության ներկայացուցիչներն առարկել են բողոքի դեմ և հայտնել են, որ ընթացակարգի գնահատող հանձնաժողովը մերժել է «Ռեզնում» ՍՊԸ-ի հայտը, քանի որ հայտով ներկայացված բոլոր փաստաթղթերում՝ այդ թվում նաև գնային առաջարկում, որը շտկման ենթակա չէ, բացակայել են մասնակցի էլեկտրոնային թվային ստորագրությունները, իսկ ընթացակարգի հրավերի 1-ին մասի 7-րդ կետի 7.9 ենթկետը հստակ սահմանում է, որ մասնակիցներն էլեկտրոնային գնումների համակարգի միջոցով հայտ ներկայացնելիս փաստաթղթերը հաստատում են էլեկտրոնային թվային ստորագրությամբ:

3. ԳԲԽ-102/16 բողոքի քննության համար էական նշանակություն ունեցող փաստերը

ԳԲԽ-102/16 բողոքի քննության համար էական նշանակություն ունեն հետևյալ փաստերը՝

1. ՀՀ պաշտպանության նախարարության կարիքների համար՝ բեռնատար տրանսպորտային միջոցների տեխնիկական սպասարկման ծառայության ձեռքբերման նպատակով կազմակերպվել է «ԳԱԿ-ՇՀԾՁԲ-15/3-ՀՀ ՊՆ ՆՏԱԴ-ՇՀԾՁԲ-4/5» ծածկագրով շրջանակային համաձայնագրերի միջոցով գնում կատարելու ընթացակարգ (այսուհետ նաև՝ Ընթացակարգ), որին մասնակցելու նպատակով հայտ է ներկայացրել «Ռեգնում» ՍՊԸ-ն:

2. Ընթացակարգի հրավերի 7.9 կետի համաձայն՝ Հայաստանի Հանրապետության ռեզիդենտ հանդիսացող մասնակիցներն էլեկտրոնային գնումների համակարգի միջոցով հայտ ներկայացնելիս փաստաթղթերը հաստատում են **էլեկտրոնային թվային ստորագրությամբ:**

3. Ընթացակարգի հրավերին կից ներկայացված ընթացակարգի հայտը պատրաստելու հրահանգի 2.1 կետի համաձայն՝ «Ընթացակարգին մասնակցելու համար Մասնակիցը Համակարգի միջոցով ներկայացնում է հայտ: Հայտին կցվում են սույն հրավերով նախատեսված համապատասխան փաստաթղթերը (տեղեկությունները)՝ **սույն հրավերի առաջին մասի 7.9-րդ կետով սահմանված կարգով:**»:

4. Ընթացակարգի հրավերին կից ներկայացված ընթացակարգի հայտը պատրաստելու հրահանգի 4.1.1 կետի համաձայն՝ «Մասնակիցը գնային առաջարկը ներկայացնում է ինքնարժեք, շահույթ և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Ինքնարժեքի բաղադրիչների հաշվարկ՝ բացվածք կամ այլ մանրամասներ չեն պահանջվում և ներկայացվում: **Եթե Մասնակիցը տվյալ գործարքի գծով Հայաստանի Հանրապետության պետական բյուջե պետք է վճարի ավելացված արժեքի հարկ, ապա Մասնակցի կողմից հաստատված բնօրինակ փաստաթղթից արտադրված (սկանավորված) տարբերակով ներբեռնված փաստաթղթով** ներկայացրած գնային առաջարկում առանձնացված տողով նախատեսվում է այդ հարկատեսակի գծով վճարվելիք գումարի չափը:»:

5. Ընթացակարգի գնահատող հանձնաժողովը (այսուհետ նաև՝ Գնահատող հանձնաժողով) 05.09.2016թ. թիվ 3 արձանագրությամբ կայացված որոշմամբ «Ռեգնում»

ՍՊԸ-ի հայտը չի քննարկել և մերժել է այն՝ հայտում հրավերով պահանջվող էլեկտրոնային ստորագրությունների բացակայության պատճառաբանությամբ:

6. Գնահատող հանձնաժողովը Ընթացակարգի արդյունքում 14.09.2016թ. որոշում է կայացրել «Կամազ Արմենիա» ՓԲԸ-ի հետ պայմանագիր կնքելու մասին:

4. ԳԲԽ-102/16 բողոքը քննող հանձնաժողովին «Գնումների աջակցման կենտրոն» ՊՈԱԿ-ի կողմից ներկայացվող հիմնավորումները և եզրահանգումը.

«Գնումների աջակցման կենտրոն» պետական ոչ առևտրային կազմակերպությունը, ուսումնասիրելով «Ռեզնում» ՍՊԸ-ի 22.09.2016թ. ներկայացրած բողոքը և կից փաստաթղթերը, ՀՀ պաշտպանության նախարարության կարիքների համար բեռնատար տրանսպորտային միջոցների տեխնիկական սպասարկման ծառայության ձեռքբերման նպատակով կազմակերպված «ԳԱԿ-ՇՀԾՁԲ-15/3-ՀՀ ՊՆ ՆՏԱԴ-ՇՀԾՁԲ-4/5» ծածկագրով շրջանակային համաձայնագրերի միջոցով գնում կատարելու ընթացակարգի հրավերը (այսուհետ նաև՝ Հրավեր), «Գնումների մասին» ՀՀ օրենքը (այսուհետև նաև՝ Օրենք), ՀՀ կառավարության 10.02.2011թ. թիվ 168-Ն որոշմամբ հաստատված «Գնումների գործընթացի կազմակերպման» կարգը (այսուհետ նաև՝ Կարգ), «Ռեզնում» ՍՊԸ-ի ներկայացրած հայտը, գտնում է, որ «Ռեզնում» ՍՊԸ-ի 22.09.2016թ. ներկայացրած բողոքը ենթակա է մերժման հետևյալ պատճառաբանությամբ.

«Իրավական ակտերի մասին» ՀՀ օրենքի 86-րդ հոդվածի 1-ին մասի համաձայն՝ իրավական ակտը մեկնաբանվում է դրանում պարունակվող բառերի և արտահայտությունների տառացի նշանակությամբ՝ հաշվի առնելով օրենքի պահանջները:

Օրենքի 31-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, **հակառակ դեպքում հայտերը գնահատվում են անբավարար և մերժվում են:**

Կարգի 35-րդ կետի 9-րդ ենթակետի համաձայն՝ էլեկտրոնային գնումների համակարգի միջոցով հայտ ներկայացնելու դեպքերում Հայաստանի Հանրապետության ռեզիդենտ հանդիսացող մասնակիցներն էլեկտրոնային գնումների համակարգի միջոցով

հայտ ներկայացնելիս փաստաթղթերը հաստատում են էլեկտրոնային թվային ստորագրությամբ:

Հրավերի 7.9 կետի համաձայն՝ Հայաստանի Հանրապետության ռեզիդենտ հանդիսացող մասնակիցներն էլեկտրոնային գնումների համակարգի միջոցով հայտ ներկայացնելիս փաստաթղթերը հաստատում են էլեկտրոնային թվային ստորագրությամբ:

Ընթացակարգի հրավերին կից ներկայացված ընթացակարգի հայտը պատրաստելու հրահանգի 2.1 կետի համաձայն՝ «Ընթացակարգին մասնակցելու համար Մասնակիցը Համակարգի միջոցով ներկայացնում է հայտ: Հայտին կցվում են սույն հրավերով նախատեսված համապատասխան փաստաթղթերը (տեղեկությունները)՝ սույն հրավերի առաջին մասի 7.9-րդ կետով սահմանված կարգով:»:

Ընթացակարգի հրավերին կից ներկայացված ընթացակարգի հայտը պատրաստելու հրահանգի 4.1.1 կետի համաձայն՝ «Մասնակիցը գնային առաջարկը ներկայացնում է ինքնարժեք, շահույթ և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Ինքնարժեքի բաղադրիչների հաշվարկ՝ բացվածք կամ այլ մանրամասներ չեն պահանջվում և ներկայացվում: Եթե Մասնակիցը տվյալ գործարքի գծով Հայաստանի Հանրապետության պետական բյուջե պետք է վճարի ավելացված արժեքի հարկ, ապա Մասնակցի կողմից հաստատված բնօրինակ փաստաթղթից արտատպված (սկանավորված) տարբերակով ներբեռնված փաստաթղթով ներկայացրած գնային առաջարկում առանձնացված տողով նախատեսվում է այդ հարկատեսակի գծով վճարվելիք գումարի չափը:»:

Կարգի 44-րդ կետի 4-րդ ենթակետի համաձայն՝ հանձնաժողովը մերժում է այն հայտերը, որոնցում բացակայում են հրավերի պահանջներին համապատասխան ներկայացված գնային առաջարկը կամ հայտի ապահովումը:

Կարգի 45-րդ կետի համաձայն՝ եթե հայտերի բացման նիստի ընթացքում իրականացված գնահատման արդյունքում հայտերում արձանագրվում են անհամապատասխանություններ՝ հրավերի պահանջների նկատմամբ, բացառությամբ այն դեպքերի, երբ հայտում բացակայում է գնային առաջարկը կամ հայտի ապահովումը կամ գնային առաջարկը կամ հայտի ապահովումը ներկայացված է հրավերի պահանջներին անհամապատասխան, ապա հանձնաժողովը մեկ աշխատանքային

օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

«Ռեգնում» ՍՊԸ-ն մասնակցելու նպատակով էլեկտրոնային գնումների համակարգի միջոցով հայտ է ներկայացրել ՀՀ պաշտպանության նախարարության կարիքների համար բեռնատար տրանսպորտային միջոցների տեխնիկական սպասարկման ծառայության ձեռքբերման նպատակով կազմակերպված «ԳԱԿ-ՇՀԾՁԲ-15/3-ՀՀ ՊՆ ՆՏԱԴ-ՇՀԾՁԲ-4/5» ծածկագրով շրջանակային համաձայնագրերի միջոցով գնում կատարելու ընթացակարգին, սակայն Ընթացակարգին մասնակցելու նպատակով ներկայացրած հայտի բոլոր փաստաթղթերը, այդ թվում նաև՝ գային առաջարկը և հայտի ապահովումը, չի հաստատել էլեկտրոնային թվային ստորագրությամբ:

Կենտրոնն արձանագրում է, որ «Ռեգնում» ՍՊԸ-ի՝ Ընթացակարգին մասնակցելու նպատակով ներկայացրած հայտի գնային առաջարկը և հայտի ապահովումը չեն համապատասխանում Հրավերի պահանջներին, ուստի «Ռեգնում» ՍՊԸ-ի հայտը, Կարգի 44-րդ կետի 4-րդ ենթակետի և Կարգի 45-րդ կետի համաձայն, շտկման ենթակա չէր, այլ՝ ենթակա էր մերժման:

Ելնելով վերոգրյալից՝ Կենտրոնը գտնում է, որ տվյալ դեպքում Ընթացակարգի գնահատող հանձնաժողովը, մերժելով «Ռեգնում» ՍՊԸ-ի հայտը՝ հայտում հրավերով պահանջվող էլեկտրոնային ստորագրությունների բացակայության պատճառաբանությամբ, պահպանել է Օրենքի 31-րդ հոդվածի 1-ին մասի պահանջները, ուստի Ընկերության բողոքն անհիմն է և ենթակա է մերժման:

Ինչ վերաբերում է Ընկերության այն պատճառաբանությանը, որ Ընկերությունը հայտը ներկայացրել է Օրենքի 31-րդ հոդվածի 1-ին մասի համաձայն՝ ղեկավարվելով Հրավերին կից ներկայացված ընթացակարգի հայտը պատրաստելու հրահանգի 4.1.1 կետով, ապա Կենտրոնն արձանագրում է, որ թե բողոքաբերի կողմից մատնանշված Հրավերի 7.9 կետը, և թե Կարգի 35-րդ կետի 9-րդ ենթակետը հստակ սահմանում են, որ մանակիցը էլեկտրոնային գնումների համակարգի միջոցով հայտ ներկայացնելիս փաստաթղթերը պետք է հաստատի էլեկտրոնային թվային ստորագրությամբ, իսկ Հրավերին կից ներկայացված ընթացակարգի հայտը պատրաստելու հրահանգի 4.1.1 կետը վերաբերում է այն դեպքերին, երբ մասնակիցը տվյալ գործարքի գծով ՀՀ

պետական բյուջե պետք է վճարի ավելացված արժեքի հարկ, բացի այդ, նշված կետը չի սահմանում, որ հայտ ներկայացնելիս փաստաթղթերը չպետք է հաստատել էլեկտրոնային թվային ստորագրությամբ, և որևէ կերպ չի հակասում Հրավերի 7.9 կետին և Կարգի 35-րդ կետի 9-րդ ենթակետին:

Ելնելով վերոգրյալից՝ Կենտրոնը գտնում է, որ «ԳԱԿ-ՇՀԾՁԲ-15/3-ՀՀ ՊՆ ՆՏԱԴ-ՇՀԾՁԲ-4/5» ծածկագրով շրջանակային համաձայնագրերի միջոցով գնում կատարելու ընթացակարգի գնահատող հանձնաժողովի՝ 05.09.2016թ. նիստի թիվ 3 արձանագրությամբ կայացված՝ «Ռեզնում» ՍՊԸ-ի հայտը չքննարկելու և վերջինիս հայտը մերժելու մասին որոշումը կասեցնելու, 14.09.2016թ. կայացված «Կամազ Արմենիա» ՓԲԸ-ի հետ պայմանագիր կնքելու մասին որոշումը դադարեցնելու պահանջների վերաբերյալ «Ռեզնում» ՍՊԸ-ի կողմից Կենտրոնին 22.09.2016թ. ներկայացրած բողոքն անհիմն է և առաջարկում ենք այն մերժել:

«Գնումների աջակցման կենտրոն» ՊՈԱԿ-ի՝
Պետի տեղակալ՝




Հ. Այունց

Գնումների աջակցման և իրավական
խորհրդատվության վարչության պետ՝



Հ. Ենգոյան

Գնումների բողոքարկման և
ահազանգման բաժնի առաջատար
մասնագետ՝ ԳԲԽ-102/16 բողոքը
քննող հանձնաժողովի քարտուղար՝



Ա. Դավթյան